

黃山谷

黃陳詩集註序

大凡以詩名世者一句一字必月鍛季鍊未嘗輕發必有所考昔中山劉禹錫嘗云詩用僻字須要有來去處宋考功詩云馬上逢寒食春來不見餽嘗疑此字僻因讀毛詩有瞽註乃知六經中唯此註有此餽字而宋景文公亦云夢得嘗作九日詩欲用餽字思六經中無此字不復為故景文九日食餽詩云劉郎不肯題餽字虛負人間一世豪前輩用字嚴密如此此詩註之所以作也

本朝山谷老人之詩盡極騷雅之變後山從其游將寒冰焉故二家之詩一句一字有歷古人六七作者蓋其學該通乎儒釋老莊之奧下至於鑿卜百家之說莫不盡摘其英華以藪之於詩始山谷來吾鄉徜徉於巖谷之間余得以執經焉暇日因取二家之詩略註其一二第恨寡陋弗詳其祕姑藏於家以待後之君子有同好者相與廣之政和辛卯重陽日書

六經所以載道而之後世而詩者止乎禮義

道之所存也周詩三百五篇有其義而亡其
辭者六篇而已大而天地日星之變小而虫
鳥草木之化嚴而君臣父子別而夫婦男女
順而兄弟羣而朋友喜不至瀆怨不至亂諫
不至訐怒不至絕此詩之大略也古者登歌
清廟會盟諸侯季子之所觀鄭人之所賦與
夫士大夫交接之際未有舍此而能達者孔
子曰為此詩者其知道乎又曰不學詩無以
言蓋詩之用於世如此周衰官失學廢大雅
不作人矣由漢以來詩道浸微陵夷至于晉

宋齊梁之間哇淫甚矣曹劉沈謝之詩非不
工也如刻繒染縠可施之貴介公子而不可
用之黎庶陶淵明韋蘇州之詩寂寞枯槁如
叢蘭幽桂可宜於山林而不可置於朝廷之
上李太白王摩詰之詩如亂雲敷空寒月照
水雖千變萬化而及物之功亦少孟郊賈島
之詩酸寒儉陋如蝦蟇蜺蛤一啖便了雖咀
嚼終日而不能飽人唯杜少陵之詩出入今
古衣被天下藹然有忠義之氣後之作者未
有加焉

宋興二百年文章之盛追還三代而以詩名
世者豫章黃庭堅魯直其後學黃而不至者
後山陳師道無已二公之詩皆本於老杜而
不為者也其用事深密雜以儒佛虞初裨官
之說雋永鴻寶之書牢籠漁獵取諸左右後
生晚學此祕未覩者徃徃苦其難知三江任
君子淵博極羣書尚友古人暇日遂以二家
詩為之註解且為原本立意始末以曉學者
非若世之箋訓但能標題出處而已也既成
以授僕欲以言冠其首予嘗患二家詩興寄

高遠讀之有不可曉者得君之解玩味累日
如夢而寤如醉而醒如痿人之獲起也豈不
快哉雖然論畫者可以形似而捧心者難言
聞絃者可以數知而至音者難說天下之理
涉於形名度數者可傳也其出於形名度數
之表者不可得而傳也昔後山荅秦少章云
僕之詩豫章之詩也然僕所聞於豫章願言
其詳豫章不以語僕僕亦不能為足下道也
嗚呼後山之言殆謂是耶今子淵既以所得
於二公者筆之於書矣若乃精微要妙如古

謂味外味者雖使黃陳復生不能以相授子
淵尚得而言乎學者宜自得之可也子淵名
淵嘗以文藝類試有司為四川第一蓋今日
之國士天下士也紹興乙亥冬十二月鄱陽
許尹謹叙

待天聖

之國士天下士也跡與之共者十二日

開嘗入不獲後居齊南縣四八第

幽而居而官其地皆直而動之可

歸來後和筆始知黃刺聚也

山谷內集詩註目錄 年譜附

第一卷

元豐元年戊午

是歲山谷在北京

古詩二首上蘇子瞻東坡守徐州

京初通書并以此二詩寄意東坡亦有報書及和章山谷書云

今日竊食於魏會閣下開幕府在藝門又云作古風詩二章賦

諸從者即此詩是也即東坡集考之蓋元豐元年魏即北京彭

門即徐州建炎中山谷之甥洪炎王父編其舅文集斷自退聽

堂始退聽以前蓋不復取獨取古風二篇冠詩之首且云以見

魯直受知於蘇公有所自也今
後之退聽堂在汴京酺池寺南
山谷作館職寓筆硯於此○贈
俞清老詩跋曰書於酺池寺南
退聽堂下然此堂名
其後隨所在揭之

醇道得蛤蜊復索舜泉中府酒蓋河

外集有和王世弼末舜泉詩首
句云寒蠶薄飯留佳客蠹簡殘
編作近隣張淵方回家卒置此
詩於北京教授時與詩意政合
自此詩至末八館前洪玉父皆
不編入今豫章前集有之然亦
不過數篇爾方回大
父名墳山谷妹壻也

元豐三年庚申

是歲春山谷在京師蓋罷北京教官

後赴吏部改官得知吉州太和縣舊月

寄李公擇詩序云元豐其秋自汴京

歸江南外集有晚故汴舟詩云秋聲

作江

次韻王穉川客舍二首彭山黃氏

謫此詩題云王欲稚川元豐初

解官後至京師所作後篇款乃

時也

款乃歌二章戲王穉川次前

詠史呈徐仲車張方回家本置此

...

仲車家于楚州當是山谷
赴太和時舟行經途所作

宿舊鼓澤懷陶令
經鼓澤在江州亦

方回家本編次按山谷過南康
軍祭劉幾之文云元豐三年庚

申十二月辛酉其宿鼓澤蓋亦
同時到官或在明年之春夏數

題山谷石牛洞
詩舊本有寄李公擇

太和舅氏李公擇提點淮南西
道刑獄自同安來相見於皖口

風雨中留十日此詩蓋是時所
作同安皖城皆隸舒州石牛洞

在舒之三祖山谷寺魯直嘗
游而樂之因自號山谷道人

題瀟峯閣
詩次前篇瀟山亦在舒州

作所

次韻公擇舅次前篇李常字公擇

元豐四年辛酉至六年癸亥

山谷在太和凡三年至元豐癸亥移

監德州德平鎮山谷有大孤山詩刻云是歲癸亥十二月

余自太和移德平

賴上食蓮有感賴上即達州與吉鄰郡江西外臺所

在山谷以此白事至此

秋思寄子由是時蘇黃門謫監循州鹽酒稅筠吉皆在

江西山谷嘗有與黃門書云得邑經南幸執事在旁郡又云有公安行李必問動靜高安即筠州黃門名撤字子由

贈別李次翁
以張方回家本編次

演雅
末句云江南野水碧於天中有白鷗閑似我當是在太和

所作山房李彤李敵云此篇山谷
子晚年刪去彤蓋山谷伯舅之

戲和荅禽語
附前篇

贈鄭文
此山谷在荊州為興上人書此詩跋云癸亥歲予解官

太和過武寧聞清上人當來
恩因謁鄭子通問消息題詩子

通之壁草堂鄭交處士隱處也
云云予家所藏舊本如此老禪

謂延恩長老法安死於元豐
八年山谷為之銘此詩蓋六年

所作

元豐七年甲子

是歲山谷監德州德平鎮有葭願文
蓋七年三月過泗州僧伽塔所作到
官當在夏秋也

平陰張澄居士隱處三詩

張方回
家本題

云王即來此詩王即即世弼其
詳具後篇此詩山谷晚年亦刪
去

留王即世弼

山谷在德平有興德
州太守書云客官不

能以家來官舍蕭然如寄○宗
室趙子澁喪清家有此錄本云
而此詩有河外吹沙塵江南水
無津之句又云我隨簡書來顧

影將一身蓋言舟在河北家在江南

送王郎

豫章集元次前篇今後之

次韻劉景文登鄴王臺見思五首

詩有平原秋樹色沙麓暮鍾聲之句平原即德州又云繫匏兩相憶極目十餘城蓋鄴王臺在相州相與德皆河北郡相去數驛

次韻吳宣義三徑懷友

以張方回家本編次

送劉季展從軍鴈門二首

題宛陵張待舉曲肱亭

從豫章集舊次

第二卷

元豐八年乙丑

春夏山谷在德平按實錄是歲三月
哲廟即位四月丁丑以秘書省校書
郎召到京師時當在六七月間

寄裴仲謀

山谷在德平與德州太守書云其官局勉以不

疎幸親老在此詩有我家輩輟下薪

無他而此詩有我家輩輟下薪

挂炊白玉在官與影俱衣綬髮

寄黃幾復

舊本於題下註云乙丑

祐二年和篇註

神宗皇帝挽詞二首

按實錄是歲三月戊戌神

宗升遐此詩及王文恭挽詩皆因崩薨歲月為次後多倣此自

此以下詩皆入館後所作

王文恭公挽詞二首

王珪字禹玉相神宗哲宗

按實錄元豐八年五月庚戌薨謚文恭

謝送礪壑源揀芽

詩有喬山事嚴尤百局謂營奉

神宗山陵又云右丞以是李元禮謂李清臣邦直按實錄清臣

以元豐六年八月拜右丞至元祐元年閏二月方遷左丞

以小龍團及半挺贈無咎并詩用

前韻為戲

從舊次晁補之字無咎

和荅外舅孫莘老舊本云莘老病起作詩寄同舍

按莘老名覺實錄本傳云元豐八年召廟即位自秘書少監除

右諫議大夫故詩中有少監除

經之語而首句則云西風

次韻定國聞子由卧病績溪蘇黃

城集有復病詩云病作日短至

病消秋風初黃門時為歙州績

次韻子由績溪病起被召寄王定

蘇黃門頴濱遺老傳云移知

國歙績溪始至而奉神宗遣制

居丰年除秘書省校書郎明年

至京師除右司諫此詩今歲秋

冬間所作

次韻李之純少監惠硯詩有我亦

流雷是初入館時之純名周

送舅氏野夫之宣城二首

李莘字野夫按實錄元豐八年十二月起田郎中李莘知宣州然此詩未必是時所作姑以除官之歲月為次餘多倣此

元祐元年丙寅

是歲山谷在館中按實錄十月丙戌

除

神宗實錄檢詩官集賢校理

送范德孺知慶州
德孺名純粹按

八月直龍圖閣京東運使范純

粹知慶州此詩云春風旌旌擁

萬夫當是今年春初方作此詩

爾○趙子湜家有山谷與晁堯

題王黃州墨跡後

題王仲弓巽亭
右二篇並從舊次

寄尉氏倉官王仲弓
附前篇

第三卷

有惠江南帳中香者戲答六言二

首

子瞻繼和復答二首

有聞帳中香以為熬蝎者戲用前

韻二首

右六詩答東坡篇中有喜公新赴朝參之句是

歲東坡自登州至京師為禮部郎中而迎燕潤花皆春時事

謝公擇分賜茶三首

外集有以潞公所惠揀芽

送公擇詩即此韻而詩有國老元年密賜來及拚洗一春湯餅

睡亦知清夜有蚊雷之句當是元年春末所作

便糴王公送碧香酒用子瞻韻戲

贈鄭麥能

以類相從附前篇子瞻詩蓋守密州時所

作今追
用其韻

送鄭彥能知福昌縣附前

顯聖寺庭枸杞從舊

次韻子瞻贈王定國東坡詩所謂

子義耕東北即此韻以東坡集考之是歲春晚所作

次韻張仲謀齋中晚春從舊

次韻荅晁無咎見贈用前

次韻荅張文潛惠寄文潛名耒按

二月試大學錄張耒為校書省

正字此詩蓋夏初方到大學供職所作故詩有忽復燕喃

山谷先生集

同錢志仲飯籍田錢孺文官舍後

次韻曾子開舍人遊籍田載荷花

歸附前篇子
開各肇

送劉士彥赴福建轉運判官按實錄元祐

祐元年六月朝請即劉士彥為福建路轉運判官此篇後亦刪去

次韻韓川奉祠西太一宮四首

次韻王荊公題西太一宮壁二首

東坡集亦有此詩以東坡集考之當在是年秋

有懷半山老人再次韻二首用前韻

和荅錢穆父猩猩毛筆

戲詠猩猩毛筆二首右二篇樂城集有和章今

畧依倣以爲次又按山谷此詩舊題云前篇奉錢穆父後篇奉

子瞻是時二公皆作中書舍人又有一跋具詩註中按東坡是

歲九月方遷翰林學士

第四卷

奉和文潛贈無咎篇末多見及以

既見君子云胡不喜爲韻按實錄元

祐二年四月乙巳徐州布衣陳師道充徐州州學教授觀此詩

陳師道之篇以為逸民蓋猶未得官也而詩又有紅榴罇多子之句宜以為元年秋所作

次韻答邢惇夫按實錄元祐元年正月起居舍人邢惇夫

惇夫親以行此詩有夢不到漢東之句漢東即隨州又云雨

作枕簟秋蓋元年秋也

和邢惇夫秋懷十首詩有陳師道篇如前說

謝公定和二范秋懷五首邀予同

作詩有黃令謂黃幾復也幾復丁卯歲方至吏部改官見二

亦此詩蓋元年所作明矣

送謝公定作竟陵主簿附前篇

奉荅謝公靜與榮子邕論詩長韻

公靜名情公定名悰皆師厚之子附前篇

贈送張叔和元在送謝公定詩後

送顧子敦赴河東三首按子敦名臨

祐元年七月祕書少監顧臨為河東轉運使此詩有攬轡都城風露秋行臺無妾護衣箠之句蓋秋晚所作

第五卷

司馬溫公挽詞是歲九月丙辰溫公薨而葬以明年

二月藥城集亦有此詩當是今冬所作

次韻子瞻武昌西山詩東坡集此詩序云元

山谷先生集

祐元年十一月二十九日作

子瞻詩句妙一世乃云效庭堅體

次韻道之

東坡送楊孟客詩即此韻次武昌西山之後

後

柳展如子瞻甥也以桃李不言下

自成蹊作八詩贈之

附前篇

戲詠蠟梅二首

京師初不以蠟梅為貴其得名乃自

山谷始今寄此篇於元年之冬

蠟梅

附前篇蜀中舊本題下註云和王都尉當以為正詩句埋

玉蜀國之句謂王訖晉卿尚主已下世

從張仲謀乞蠟梅

附前篇

賈天錫惠寶薰乞詩以兵衛森畫

戟燕寢凝清香十字作詩報之

附前篇山谷有此詩跋云余甚寶此香未嘗與人城西張仲謀

為我作寒計惠送騏驎院馬通薪二百因以香二十餅報之

次韻張仲謀過酺池寺齋

附前篇詩有夜

談霜月冷之句

第六卷

元祐二年丁卯

是歲山谷在吏局按實錄正月辛未

山谷為著作佐郎

常父惠示丁卯雪十四韻謹同韻

賦之

詩云春皇賦上瑞是歲春所作

詠雪奉呈廣平公

附前篇詩有連空春雪之句

次韻宋楙宗僦居甘泉坊雪後書

懷

附前篇

和荅子瞻和子由常父憶館中故

事

以東坡藥城集為次又此詩云桃李春晝永

雙井茶送子瞻

和荅子瞻

子瞻子以夏公明見戲聊復戲答

省中烹茶懷子瞻用前韻右四篇當是今

歲春送新茶所作詩七翰林貽我東南句謂東坡先生按實錄

元年九月丁卯東坡遷翰林學士東坡集有次韻黃魯直赤目

詩即此韻而元年十月山谷遷實錄院檢討官今歲又為著作

故有願載軒轅訖鼎湖之句

以雙井茶送孔常父

常父答詩有煎點徑須煩綠珠之

句復次韻戲答

戲呈孔毅父右三篇皆用前韻第

卷之四

詔除之句按山谷今歲正月除著作佐郎

謝黃從善司業寄惠山泉亦用前韻山谷

晚年刪去

次韻劉景文河上見寄元在醺醺詩前詩有

莫春茗之句

見諸人唱和醺醺詩輒次韻藥城中

有次韻孔文仲舍人醺醺即此韻此後有和曹子開處後詩見

外集以藥城詩考之一蓋四月一二日也

次韻秦觀過陳無已書院觀鄙句

之作無已來京師寓居陳州門見於所作秋懷詩書院當

在此地而此詩有
牆陰老春薺之句

陳留市隱

附前篇此詩蓋
陳無已先作

晁張和荅秦觀五言予亦次韻

篇過陳無已
書院之後

劉晦叔許洮河綠石硯

附因後篇

以團茶洮硯贈無荅文潛

次和荅
秦觀篇

按實錄元祐元年十一月試太
學錄張系試太學正晁補之並

為秘書省正字而此詩有道
山延閣之句蓋今歲所作

謝王仲至惠洮礪印村

附洮硯
見

次韻文潛同游王舍人園

次前篇
文潛詩

卷之四

七

有濃綠張
裏帷之語

卧陶軒附前篇詩云
城南晁正字

次韻寄晁以道附前篇

次以道韻寄范子夷子默附前篇

僧景宣相訪寄法王航禪師後舊次

次韻子瞻送顧子敦河北都運二

首以東坡詩為次按實錄元祐二年四月癸巳給事中顧

為河北路都轉運使

慈孝寺饒子敦席上奉呈孔經父

八韻次前篇

次韻張昌言喜雨

以東坡藥城詩為次藥城詩云

已收蠶麥無多日蓋四月間昌言名問

第七卷

送李德素歸舒城

因後篇附見

詠李伯時摹韓幹三馬次子由韻

簡李伯時魚寄李德素

東坡集有此詩

在喜雨後伯時名公麟

次韻子瞻和子由觀韓幹馬

次前篇

次韻荅王荅中

從舊次

子瞻子由相繼八侍逋美次韻四

首東坡有此詩
在韓幹馬後

再次韻四首次前篇

次韻子瞻題郭熙畫秋山以東坡詩為次

東坡詩所謂玉堂畫掩春日
閑即此韻在入侍通英詩後

題郭熙山水扇

題惠崇畫扇

題鄭防畫夾五首

戲題小雀捕飛蟲畫扇

題畫孔雀

睡鴨

小鴨

題劉將軍鴈二首

題劉將軍鵝

題晁以道雪鴈圖

右十詩並附前篇

次韻子瞻題無咎得與可竹二首

東坡集此詩在郭熙秋山後

次韻文潛休沐不出二首

從舊次

奉同子瞻韻寄定國

東坡玉堂獨坐懷王定國

詩即此韻在題無咎竹後

次韻王定國揚州見寄

山谷先生集卷之二十一

二十一

有自淮南來者道揚州事戲以前

韻寄王定國二首附前篇

次韻錢穆父贈松扇

戲和文潛謝穆父松扇東坡和張耒松扇詩

在懷王定國後

謝鄭閔中惠高麗畫扇附前篇

第八卷

次韻王炳之惠玉版紙附前篇

謝王炳之石香鼎附前篇

次韻柳通叟寄王文通後舊次

送張天覺得登字

東坡此詩在松扇後按實錄元

祐二年七月開封府推官張商英提點河東路刑獄商英字天

覺

次韻徐文將至國門見寄二首

詩有

槐催舉子舊花黃之句蓋是歲秋試

博士王揚休碾密雲龍同事十三

人飲之戲作

荅黃冕仲索煎雙井并簡揚休

再荅冕仲

戲荅陳元興

再荅元興

次韻晁仲考進士試卷右六篇皆武成宮試

闡所作詩中自了然

王聖義三子補中廣文生附前篇

次韻游景叔聞洮河捷報寄諸將

四首按實錄元祐二年八月禽西蕃首領鬼章青宜結檻

送闕下

和游景叔月報三捷與前詩同時作

次韻崔伯易席上所賦因以贈行

二首按實錄元祐二年十月將作少監崔公度知潁州又

按本傳公度字伯易高郵軍人此詩十月後作

同子瞻韻和伯充團練後舊

戲荅趙伯充勸其學書及為席子

澤解嘲附前

謝景叔惠冬笋雍酥水梨三物

再荅景叔右二篇並以時序為次

次韻幾復和荅所寄山谷舊跋此詩云丁卯歲

幾復至吏部改官追和子乙丑在德平所寄詩也詩有夜寒同

對短檠燈之句當是冬時所作

寄上叔父夷仲三首夷仲名廉元祐初為郝大

山谷文集目錄 廿七

提舉成都府路權茶兼陝西路
買馬張方回家本前一篇題云
寄上叔父夷仲後二篇題云叔
父夷仲入奏近寄此詩用前韻
今以蜀中題名考之康奉使在
元祐元年八月而三年正月除
吏部郎中則入奏蓋在二年之
冬也此詩第入篇因後詩同見
此於

第九卷

元祐三年戊辰

是歲山谷在史局其春東坡知貢舉

山谷與李公麟等皆為其屬

考試局和孫元忠博士竹枝歌三

章

觀伯時畫馬

東坡集有和篇
題云試院中作

題伯時畫揩痒虎

題伯時畫觀魚僧

題伯時畫頓塵馬

題伯時畫嚴子陵釣灘

題伯時畫松下泐明

右皆試院中
作舊本畫觀

魚僧題云子瞻畫枯木伯時作
清江游魚有老僧映樹身觀魚

而禪筆法甚妙予為名曰玄沙
畏影圖井題數語而頓塵馬有

亦思歸家沈袍擣之句為試院
所作無疑揩痒虎子陵灘蓋從

其舊
次

出禮部試院王才元惠梅花三種

皆妙絕戲答三首

山谷有此詩
跋甚詳具詩

註中

王立之承奉詩報梅花已落盡次

韻戲答

立之名直方即才
元之子今附前篇

乞姚花二首

附前篇

效王仲至少監詠姚花用其韻四

首

附前篇

寄杜家父二首

從舊次

王才元舍人許牡丹求詩

謝王舍人剪送壯元紅石二篇從舊次

戲荅陳季常寄黃州山中連理松

枝二首山谷有太平興國寺浴

常林下士也寓基輦於此蘇子瞻范子功數來後之元祐三年

六月丁亥書然此詩未定是時所作姑以物色附見

次韻子瞻送李夷李夷字方叔是歲下第而歸東

坡此詩在次韻黃魯直畫馬後

次韻宋楸宗三月十四日到西池

都人盛觀翰林公出遨翰林公謂東坡

山谷集卷之五

十一

東坡有和宋肇遊西湖即此韻在送李方叔詩後

韓獻肅公挽詞三首 韓絳字子華事神宗再為

宰相按實錄元祐三年三月薨謚獻肅東坡有韓康公挽詞在

遊西湖後康公即獻肅

次韻子瞻寄眉山王宣義 東坡有慶源宣

義王文求紅帶詩即此韻在康公挽詞後此後有送高士敦鈐

韓詩見外集

聽宋宗儒摘院歌 從舊次

自門下後省歸卧酺池寺觀盧鴻

草堂圖 藥城集有此圖詩當同時所作按藥城集次於

韓康公
挽詞後

題子瞻寺壁作小山枯木二首寺壁

即酺池寺
附前篇

題子瞻枯木附前篇

次韻子瞻詠好頭赤圖東坡詩在紅帶詩後

詠伯時虎脊天馬圖

詠伯時象龍圖

題竹石牧牛右三詩附前篇而天馬圖有歲在孰徐同

之句蓋戊辰歲也

題伯時天育驃騎圖二首附前篇

姨母李夫人墨竹二首附前篇

次韻子瞻子由題憇寂圖二首

第十卷

次韻荅曹子方雜言曹輔字子方東坡有送曹

輔赴閩漕詩在好頭赤詩後按實錄元祐三年九月太僕寺丞

曹輔權發遣福建路轉運判官山谷此詩蓋輔未出使以前所

作今寄于此

次韻子瞻和王子立風雨敗書屋

有感東坡此詩在送曹輔後

朝小德東坡有和章次前篇

戲荅張秘監饋羊

詩有留與兒童
駕小車之句今

附小德
詩後

戲荅王定國題門兩絕句

東坡朝
小德詩

後有和王定國會飲清虛
堂詩時定國歸自揚州

清人怨三首

略從舊次元在
嘲小德之後

呈外舅孫莘老二首

詩意喜莘老
得歸按實錄

元祐三年九月御史中丞孫覺
提舉醴泉觀本傳云以疾堅請

外提舉舒州靈仙觀此詩
九月以後所作今寄於此

以天壇靈壽杖送莘老

從舊
次

戲荅俞清老道人寒夜三首

趙彥
清家

有山谷跋此詩其末云東坡屢

我此詩以為妙也元祐四年歸

自門下省書於酺池寺南退聽

堂上此跋四年所書而詩則三

年冬

祕書省冬夜宿直寄懷李德素前

歲寒知松栢此詩效進士體元有

外集東坡所和乃知

東觀讀未見書

被褐懷珠玉

款塞來享右三篇未必同時所作然皆效進士體以教兒

姪今附見東坡雜記云元祐三年十二月二十八日上御延和殿奏范鎮新樂時西夏方遣使款延州塞故進士作延和殿奏新樂賦款塞來享詩云

憶邢惇夫

山谷跋惇夫集有國馬不及奉輿斃於卓櫪之

語蓋元祐三年十一月庚戌也此詩宜附見於此

次韻和秦少章晁適道贈答詩

詩有

陰風雪塞廬之句當是此年冬所作蓋明年冬少章從東坡在

杭州矣

次韻答秦少章乞酒

附前篇詩有水餅爵冰蔬

之句亦冬時作

第十一卷

元祐四年己巳至八年癸酉夏

四年至六年夏皆在史局按實錄元祐六年三月癸亥進神宗實錄為起居舍人以中書舍人韓川有言詔行祕書省著作佐郎是歲六月特封母壽康縣太君為安康郡太君乞以轉官恩回授也山谷在京師多與東坡唱和四年夏東坡出知杭州遂無詩伴而山谷常苦眩冒

有與王長原詩跋云相見於京

師匆匆不得盡平生朋友之意長原
告行會小人年來頭眩不能若思因
以廢詩朝以舊詩十許贈長原又有
書老杜詩致云老夫今年四十五不
復能作詩他文亦懶下筆欲學詩觀
老杜是矣又與俞清老曹蜀龍書皆
云其自去年三月已不作詩山谷生
於乙酉至元祐四年已巳四十有五
多在史局山谷嘗有詩云日又多侍

母夫人醫藥至六年六月遂丁家艱

陳無已作山谷母李夫人墓銘曰元
祐六年卒于東都又以山谷與洪駒
父書考之云六月十八日郡太棄咎
諸孤而然玉父作退聽堂錄序云卒
未歲試禮部寓舅氏僦舍後一年魯
直丁母夫人夏辛未即元祐六年其
云後一年誤矣山谷護喪抵家
以明年正月八日具書帖中故此

數年之間作詩絕少頤軒詩及寄題

郭功甫穎州西齋

東坡有和篇而山谷此詩見於外集

送秦少章後東坡於杭州范蜀公挽

章皆四年詩之可考者其他諸詩多

不可考又於前卷無可傳著姑寄寓

於此以俟異時或遇其真也

頤軒詩六首

張方回家本有此詩序云元祐四年正月

癸酉黃集序

寺齋睡起兩首

後詩云桃李無言一再風蓋春時作

又有人言九事八為律之句是時東坡為臺諫所攻求出補外

而山谷亦不
客於時故云

記夢附前篇

同元明過洪福寺戲題略從舊次元在寺齋

睡起詩後

戲荅晁深道乞消梅二首右二篇以時序

為次

以梅餽晁深道戲贈二首

次韻孫子實題少章寄寂齋因後送

少章詩附於此此篇後亦刪去

次韻孫子實寄少游

戲書秦少游壁

贈秦少儀

送少章從翰林蘇公餘抗右四詩

次按實錄東坡出知杭州在四年而行以五月陳無已至南京見東坡後登後樓詩云五月池無水又送行詩云一雨五月涼

題淨因壁二首

六月十七日晝寢右二篇亦以時序為次

北窓從舊

青奴二首附前

范蜀公挽詞二首東坡作蜀公誌銘云元祐三年

閏十二月薨葬以四年八月
此詩蓋四年夏秋間所作

宗室公壽挽詞二首

出城送客過故人東平侯趙景珍

墓

黃穎州挽詞三首

樂壽縣君挽詞二首

右八篇
附前詩

叔父給事挽詞十首

按實錄元祐七年五月丙申給

事中黃廩卒是時山谷持母喪

僅一年

山谷有與洪駒父書云
比經祥練又聞給事叔

父之

而葬以明年九月

山谷與字文伯

修書云九月之末方畢叔父給事葬事又云欲乞一宮觀時已免喪矣

紹聖元年甲戌四月改元

按實錄元祐八年七月呂大防言神

宗正史欲差前實錄院檢討官黃庭

堅秘書省正字秦觀充編修官從之

山谷以疾辭乞宮觀予家有山至甲

戌歲授宣鄂兩郡皆未赴跋東坡磨

聖元年五月甲子新繼除宮祠按實

錄紹聖元年六月丁亥新知鄂州黃

連堅管句亳州明道宮於開封府界

居住就近報國史院取會文字山谷

遂寓家於太平州之蕪湖事具與王

與其兄元明俱來陳留山谷與梁大

越州司理相送至止東寺之淨土院

府畿伯氏即元明舟行時與東

事具與趙伯充書自云坡

坡相遇於江上山谷有東坡真贊曰

於彭蠡之上其免不尔又與佛與黃

印書云惠州偶阻風相會三日

門相遇於貴池其後山谷在荊州黃

於今八年

寂住閣

深明閣

右二篇陳留淨土院作元
註云陳留宿一贊堂因書

為寂
住閣

第十二卷

紹聖二年乙亥

是歲山谷謫黔州先是紹聖元年章

惇為相蔡卞修國史七月山谷與范

龍學祖禹趙尚書彥若於開封府界

居住就近應報文字卞至史院以前

史官直書王安石事欲中傷以詆誣
神考之罪簽出千餘條以為皆無證
據紹聖二年正月范公安置永州趙
公澧州山谷黔州事具范公家傳按
實錄紹聖元年十二月甲午黃庭堅
謫涪州別駕黔州安置而范公家傳
乃云二年正月蓋據受命時日也山
谷既被命與其兄元明出尉氏許昌
由漢沔趨江陵上夔峽山谷書萍鄉
廳壁言之詳
矣三月辛亥至下牢關具黔南道
中行記四

山谷集卷之四

月二十三日到黔州具謝表寓開元寺

寺有摩圍閣山谷與張叔和書云下處在南寺摩圍閣又有怡惔堂當是山谷以知命同處為各按揚明叔草書跋尾云黔中怡惔堂丁丑二月晦

竹枝詞二首

夢李白誦竹枝詞三疊並黔南道中作前詩

有跋語且云四月甲申蓋十九日也

和荅元明黔南贈別山谷書萍鄉廳壁曰元明

送余安置於摩圍之下淹留數月不忍別而此詩有急雪驚風之語當是冬時所作

紹聖三年丙子

是歲山谷在黔南初山谷既未能以

家來二年之秋其弟知命自蕪湖登

舟山附谷與秦世章書云叔達携一妾

所謂李慶具知命家書一子名栢小

今趙彥清家有錄本及山谷之子相

蓋仲子也具家書及與秦世章宋子茂書

小名小德并其所生母俱來知命中

道生一女又與其從兄嗣直會於夔

州山谷書云知命居士得三月二十

回客次俱無恙嗣直又適得相會何是歲五月六日抵黔南山谷五月書

山谷集 卷之三
大浩初六月可來赴疊石早飯又
云今日甚思汝輩同剥粽子也

題驢瘦嶺馬鋪

知命

行次巫山宋楸宗遣騎送折花厨

醞

知命

次韻楸宗送別二首

知命

戲荅劉文學

知命

外姪李光祖往見尚垂髫今觀寄

嗣直小詩已可愛因次韻

知命

上南陵坡

知命

題小猿叫驪

知命

馬上口號呈建始李令

知命建始屬施州

次浮塘驛見張施州小詩次其韻

知命

將次施州先寄張十九使君三首

知命

和仲謀送別二首

知命

次韻答清江主簿趙彥成

知命清江即施

州治所彥成名背堂嘉州人

宋楸宗寄夔州五十詩三首

知命右二

十詩皆知命來黔州時所作知命名各叔達山谷之弟數詩附見

集中殊有家法當由山谷潤色因以成其弟之名今不復刪去

題蘇若蘭回文圖

元雜置知命詩中

紹聖四年丁丑

是歲山谷在黔南其春知命往見嗣直於涪州生一子是為小牯秋冬間

還黔

具山谷與知命嗣直書

次韻楊明叔四首

再次韻

楊皓字明叔眉之丹稜人官於

黔中時山谷遷謫後

與明叔書帖可考

此詩蓋黔中所作故有我已魑
魅禦之句黔中詩絕少姑附於
今歲

謫居黔南十首

右摘樂天句元題謫居黔南今附

于此蓋明年又遷於戎州云

元符元年戊寅

六月改元

是歲春初山谷在黔南以避外兄張
向之嫌遷戎州按實錄紹聖四年三
月知宗正丞張向提舉夔州路常平
十二月壬寅詔涪州別駕黔州安置

黃庭堅移戎州安置以避使者親嫌

故也山谷三月間離黔六月初抵戎

州山谷有與楊明叔大字跋尾云紹聖五年二月裁生明涪翁將遷于

楚道治舟開元寺江曲之間楚道即戎州戎今為叙按是歲六月方改元

故猶稱五年又有與王觀復書云并流在道幾三月又有廬州木龍題

名云紹聖五年五月初寓居南寺作故知到戎州在六月初

稿木寮死灰菴故址尚存其後僦居城南

贈黔南賈使君

山谷初到黔南曹譜伯達張先

茂宗為守貳待之頗厚山谷與張叔和

書云某至黔州將一月矣曹守張侔相待如骨肉又與楊明叔書云字侔皆京洛人好事尚文不易得也今賈使君

蓋與曹伯達為代者未知此詩何時所作姑附於離黔之歲

元符二年己卯

是歲山谷在戎州九月知命如成都

至明年二月還戎

具山谷與知命書及答勾崇高書又

與範長老書云知命顛倒

足二月七月乃到戎州

次韻兩絲雲鶴二首

蜀中舊本此詩序云代史夫人

和石信道按信道名諒時作瀘

州江安令史夫人蓋山谷外兄

張棋子履之妻張祉介姻之嫂

綠葉贊所謂維女博士史君炎

王者也此詩蓋在戎州所作

有答蘇大通書曰頃見外兄張

子履家嫂具道才德之美又曰

昨史嫂過當是夫人與其子俱

來乞子履墓銘時也

葬以元符己卯之四月雨絲雲
又曰史夫人博學能文
鶴皆春時景物宜見於今年春

從斌老乞苦笋

當是今年夏初猶未

至我此篇元在我州詩中但

詮次不倫爾山各有苦笋賦云

變道苦笋冠冕所

川變道即戎州

次韻黃斌老所畫橫竹

次韻謝斌老送墨竹十二韻

用前韻謝子舟為予作風雨竹

再用前韻詠子舟所作竹

戲詠子舟畫兩竹兩鸚鵡

第十三卷

次韻答斌老病起獨游東園二首

又和二首

又答斌老病愈遣悶二首

次韻黃斌老晚游池亭二首

右與黃斌

老唱和諸詩並因若笋篇附見當是同詩所作池亭詩有黃菊

非霜殊未秋之句必今歲所作明年秋晚山谷蓋在青神笑

戲答史應之三首

應之名鑄眉人客瀘戎間山谷

有應之真贊曰江安食不足江陽酒有餘江安屬瀘州漢江陽

孫地也

也是軒

軒在簡州為師範道人作山谷

有與範帖云知命欲往成都看

藥市又云別作一篇竹軒頌似

可觀已付密師去可種竹於六

祖即用之是歲範公自簡州受

成都六祖之請云範在簡州時山谷有種竹

頌云往在江南住竹山道人兩歲三來訪云云故今云別作一篇

篇

寄題榮州祖元大師此君軒山谷有此

詩跋云元符二年閏月初吉書贈榮州琴師祖元按是歲閏九

月又有一篇亦此韻見於外集

答李任道謝分豆粥

詩有豆粥能驅晚瘴寒之

句似是冬時所作

元符三年庚辰

是歲山谷在戎州正月徽考即位五

月復宣德郎監鄂州在城鹽稅見於

辭免吏部山谷既得放還以江漲未

能下峽西渠題七月自戎舟行省其

姑於青神山谷之姑張社介卿之母

七月二十一日解舟八月十一日抵青神具與張介卿書今中巖多有八

九月間十月改奉議即簽書寧國軍

節度判官亦見辭十一月自青神復

還戎有十一月二日與嘉州至樂

蓋知命歸江陵死於荆十二月發戎

州亦具山谷免吏過江安為石信道

挽留遂作歲於此石諒信道本眉人

谷之子相是歲十二月成親其詳具

建中請國元年註并具與杜拙翁書

贈知命弟離戎州

姪拒隨知命舟行

是歲知命自戎歸江南山谷與

範長老帖云知命留此兩月三

月十三日解舟去故輿拒詩有

燕子日長宜讀書之句知命竟

死荆南

見山谷祭文

次韻文少激推官紀贈二首

因後篇附

見少激名抗臨邛人時為戎州幕官予嘗其家山谷諸詩真迹

次韻文少激祈雨有感

此詩真本云伏承少

激惠示夏日祈雨有感之詩末句云愛民天子似仁宗時微考

初即位

次韻李任道晚飲鎖江亭

詩有西來雪浪

如魚烹之句當是夏中所作

再次韻蕪簡履中南王三首

次前篇

次韻任道食荔支有感三首

山谷有戎州鎖水磨崖留題云

元符三年五月戊寅大守劉廣

之率賓僚來賞鎖江荔支

山谷與姪

撲書云初到戎鼓道微作守甚有親親之意道微既去劉滋崇

儀作守云云此詩當時所作詩有

六年昭帳之句蓋自紹聖二年

乙亥入蜀至元符三年庚辰凡

六見荔支

廖致平送綠荔支王公權送荔支

綠酒附前篇

謝楊履道銀茄四首以時序為次

送石長卿太學秋補詩有漢文新覽天下圖謂

徽考初立山谷有試張通筆帖戎州城南儼舍中眉山石長卿觀書

次韻文少激甘露降太守居桃葉

上當是秋時所作詩語皆及徽考新政

借景亭

八月在青神尉廳作尉即張社

介卿也社父閭雅州人娶山谷之

姑卒官太常卿見於山谷所作

戲贈家安國從舊

次韻楊君全送酒

次韻君全送春花

謝楊景山送酒器君全名琳景山

山谷有中巖題字云元符三年九月己巳王元直携酒帥楊君

全景山酌張子謙介卿黃魯直

於慈姥之東堂此詩蓋是時所作

作故有秋入園林花老眼之句

綠花及酒當是重陽所送春花

言其象春
時之花尔

史彥升送春花

附楊君全送花後
詩有千林搖落照

秋空
之句

題石恪畫嘗醋翁

舊次在借景亭
後似是青神作

謝應之

即史應之也應之往歲見山谷

於戎嘗有詩戲之此篇當是應

之自眉來青神再見山谷叙述

往事故有去年席上蛟龍語未

委先生記得無之句

山谷在青
神有與眉

山程信孺帖云應之在館時接
從容賓主相樂也是歲來白眉
知山可

第十四卷

走筆謝王朴居士柱杖

王朴字子厚隱居嘉

州至樂山此詩當是有青神回
舟經途所作詩有六年流落故

歸時
之語

戲荅王居士送文石

次前篇

次韻楊明叔見餞十首

序云予蒙
恩東歸明

叔作十詩見餞接舊錄元符三
年十一月癸亥朔黃庭堅知舒

州故此詩有老作同安
守之句同安即舒州

次韻石七三六言七首

詩云老境五十六翁

又云欲行水繞山園蓋元符三年將去蜀所作石七三當是石

信道家

建中靖國元年辛巳

是歲正月解舟江安

山各有廬州中

題云江南黃某自楚道蒙恩放還元符三年十二月道出江安江安宰右

諒信道以親親見留作歲建中靖國元年正月丙寅置酒中興魯氏之竹

林三月至峽州改知舒州四月至荆

南泊家沙市又召以為吏部員外郎

時病癰初愈辭免恩命乞知太平州

具辭免恩命狀

留荆南待命遂踰冬焉

萬州太守高仲本宿約遊岑公洞

而夜雨連明戲作二首

萬州下巖二首

又戲題下巖

山谷有萬州西山磨崖題名載高仲本置

酒蓋建中靖國元年一月辛酉

戲題巫山縣用杜子美韻

詩有江陵換袂

衣之句江陵即荆南山谷度有巫山至此時已初夏矣

和王觀復洪駒父謁陳無已長句

王蕃字觀復沂公之裔官閬中

山谷集卷之三
時多以書尺至戎州從山谷問
學至是有京師改官復入蜀會

山谷于荆南時山谷病癰初愈

荅觀復簡云卧病二十餘日幾
死者數矣忽奉手誨歡喜如從

天上落也陳無已元符三年冬為祕

書省正字故此詩有集賢學士

見一角之語

以銅壺送王觀復

附前篇

病起荆江亭即事十首

詩有大聖天子初元

年及西風吹淚古藤州之句又
是歲七月東坡卒於常州而此

詩猶未及之當
是秋初所作

鄒松滋寄苦竹泉橙麴蓮子湯三

首

松滋隸荆南詩有新
收子百秋蓮韻之句

次韻荅黃輿迪

次前韻謝輿迪惠所作竹五幅

右二

篇從
舊次

第十五卷

戲簡朱公武劉邦直田子平五首

朱劉田皆荆南人
詩有葵莢秋之語

次韻益修四弟

詩有霜晚菊
未花之句

以峽州酒遺益修復繼前韻附前篇

謝益修四弟送石屏附前篇

戲荅王觀復醑釀菊二首

戲荅王子予送凌風菊二首右四篇以

時序為次予予名雱王獻可補之次予也時僑寓荊州

謝王子予送橄欖

以椰子小冠送子予附前篇

呈楊康國

又戲呈康國二詩皆言黃柑未熟

次韻馬荊州詩有朱摻菊英同送秋之句

和中玉使君晚秋開天寧節道場

徽考以十月十日誕降為天寧節開啓蓋九月十日

入窮巷謁李材叟翹叟兼簡田子

平三首

詩有紫冠黃鈿網絲窠之句

次韻荅馬中玉三首

詩有黃花過後早梅前之句

次韻中玉早梅二首

次韻中玉水仙花二首

王充道送水仙花五十枝

吳君送水仙花并二大本

劉邦直送早梅水仙花四首右詩十

多從舊次唯王充道
送水仙花一詩附見

謝檀敦信送柑子附前篇

贈李輔聖元在劉邦直詩後

和高仲本喜相見從舊次詩有雪
滿荆州喜再逢

之句

戲詠暖足餅二首以詩序
為次

戲呈聞善二兄詩有草上增除
雪袞風之句

次韻聞善詩有張羅門
帶雪之句

謝荅聞善二兄九絕句

戲呈聞善

右十詩附前篇

題子瞻畫竹石

舊題云題全天粹所収云云全璧字

天粹山谷在荆州時有與天粹帖又有字說云全璧長林人長

林屬荆州軍此詩當附於荆州詩中

戲贈米元章二首

米芾字元章為發運司屬官在

江淮間建中靖國之秋東坡北還嘗有手帖與之此詩似亦當時所作蓋詩有滄江畫畫加之句今附於荆州詩中

第十六卷

崇寧元年壬午

是歲春初在荆南既而經岳鄂路歸

洪州分寧

正月與蘇子由書云某三兩日即拏舟下巴陵出陸

至雙井
六日亦遂往袁州萍鄉省其兄元明

具於書萍鄉廳壁記還至江州與其家相會山谷

與洪龜父書云四十及新婦在荆南已遣十六節推弟往取舡來會江州

美
六月赴大平州謝上表云九日而

罷管句洪州玉隆觀山谷與徐師川書曰老舅六月

九日領太平事十七日奉朝旨送吏部即日解舡至江口九月至

鄂州寓居踰年崇寧二年山谷有南樓詩寄方公悅序云

某以去歲九月至鄂

次韻答高子勉十首高荷字子勉荆州人而此

詩有春從細草回之句當是春初所作

贈高子勉四首

附前篇

再用前韻贈子勉四首

附前篇詩有鳥語花

中管絃之句春稍動矣

荆南簽判向和卿用予六言見惠

次韻奉酬四首

附前篇

蟻蝶圖

從舊次

謝人送栗鼠尾畫維摩二首

從舊次

次韻向和卿行松滋縣與鄒天錫

夜語二首

詩有提壺及思歸樂之句當在二月間以

山谷集卷之二
上詩皆未離
荆南所作

戲荅荊州王充道烹茶四首

詩有落花

春日長之句

雨中登岳陽樓望君山二首

往分寧時

經道岳州所作

自巴陵略平江臨湘入通城無日

不雨至黃龍謁清禪師繼而晚

晴作長句呈戴道純

巴陵平江臨湘皆屬

岳州通城屬鄂州黃龍山在洪州武寧李邢李敵書豫章集後

云先生自巴陵取道通城入黃龍山為清禪師徧閱南昌集自

有去取即此時也

題徐氏書院

徐禧德占洪州人此詩歸洪州時所作

贈石敏若

從舊次

題胡逸老致虛庵

題蓮華寺

右兩篇元在道遙觀前

衝雨向萬載道中得道遙觀遂託

宿戲題

此詩往萍鄉時所作萬載亦屬袁州山谷有跋

陳日休所收舊字云崇寧元年三月己卯自分寧宿萬載之廣

慧道場按長曆已卯蓋二十四日

題竹尊者軒

從舊次當是廣慧道場

送密老住五峯

從舊次山谷有為密公作草書跋尾

云元年三月壬午旅寓宜春之開元飯崇勝密公之堂即此僧也壬午蓋二十七

日宜春屬袁州

新喻道中寄元明用觴字韻

元明作萍

鄉宰山谷來省覲書萍鄉廳壁記曰來以崇寧元年四月乙酉而去以是月之己亥乙酉蓋四月朔至己亥凡十五日此詩蓋別後所作新喻屬臨江軍去萍鄉未遠

第十七卷

拜劉凝之畫像

劉凝之家於南康此詩當是還自萍

鄉往江州經途所作或云赴太和時作

追和東坡壺中九華按此詩序五月二十日繫

舟湖口所作
湖口屬江州

罷姑熟寄元明用觴字韻

六月十七日罷姑熟即太解舟

至江口會洪駒父奉其大母來

又為之留七日閏六月十一日

分予將家到荊南謀居具與徐師川書

且云衡東風至燕湖矣駒父大

有太平州後園石室聽楊姝彈

琴題名云與郭功甫高大忠同

酌桂漿實季夏之丁未

蓋六月二十二日也

山谷詩集卷之四
次韻子瞻和太白尋陽紫極宮感

秋詩韻

尋陽今江州山谷罷太平後排

徊於江州

初欲自此趨荆南此然竟留於鄂州

詩江州所作有蟹肥酒醅熟之

句蓋八月也而蜀中雙井後集

有此詩跋云崇寧元年八月乙

卯蓋初三日

瓊芝軒

龜殼軒

秋聲軒

右三篇皆紫極宮作

戲效禪月作遠公詠

遠公道場即今江州廬山

東林寺是歲八月庚申山谷有東林題名此詩當是同時所作

庚申蓋初八日

跋子瞻和陶詩

元在紫極宮詩前今附見

跋李亮功戴嵩牛圖

從舊次

追和東坡題李亮功歸來圖

當是與前

篇同時作

次韻徐仲車南郭篇四韻

次韻仲車為董元達置酒

次韻仲車因婁衍父見寄之什右三

篇元在紫極詩後後詩有萬里遠歸來煩公問捷否之句蓋晚

年所作

武昌松風閣

山谷九月至鄂已具前註此詩經途

所作今赤牘中有跋與李德叟書云崇寧元年九月甲甲

繫舟樊口題時張文潛再謫黃州猶

未至也故詩有張侯何時到眼

前之句黃與武昌隔江相望云

次韻文潛

和文潛舟中所題

右二詩並次前篇時文潛已到

黃山谷自鄂往見之前詩有風雪牖戶勤塞向之句蓋冬深所作

題君子泉

泉在黃州次前篇

宿黃州觀音院鍾樓上

元在次韻文潛後詩

有潘何之語今遷於此為後詩張本

謝何十三送蟹

從舊次何十三當是何韻之斯舉或

其弟兄韻之蓋黃州人其弟兄韻之蓋黃州人

又借荅送蟹韻并戲小何

代二螯解嘲

又借前韻見意

右三詩見於脩水集今附見

次韻文潛立春日三絕句

再次韻

按長曆是歲十二月二十一日立明年春時山谷已

歸鄂故詩有已發黃州首更回之句

第十八卷

崇寧二年癸未

是歲山谷在鄂州既而謫宜州十二

月十九日發鄂渚

見於發鄂渚詩序

至岳陽

作歲

過湖以明年二月見於過洞庭青草湖詩

初山谷在

荊州作承天院塔記轉運判官陳舉

承執政趙挺之風旨摘其間數語以
為韋災謗國遂除名編隸宜州

夢中和觴字韻序云崇寧二年正月己丑已丑蓋初

九日

次韻吳可權題餘千縣白雲亭從舊

次韻廖明略陪吳明府白雲亭宴

集次前篇

病來十日不舉酒二首詩有回施青春與後

生之句春時所作

題小景扇從舊次

鄂州南樓書事四首

詩有我亦來
追六月涼之

語山谷在鄂州
作夏惟此年尔

南樓畫閣觀方公悅二小詩戲次

韻附前

鄂州南樓寄方公悅

附前

養鬪鷄

顏徒貧樂齋二首

右三詩並
從舊次

和涼軒二首

以詩序為次詩
有西風之語

題默軒

元在涼
軒前

次韻文安國紀夢

寄賀方回

右二篇元在畫閣詩後

文安國挽詞二首

因前篇紀夢附見

和陳榮緒崇陽道中六詩

自頭陀寺至晚

發咸寧

榮緒蓋鄂州節推

見於詩序

有中秋山行之篇

陳榮緒惠示之字韻次韻三首

附前篇

第十九卷

德孺五文和之字詩韻輒復和呈

附前篇范德孺名純粹按舊錄崇寧元年十月管勾南京鴻慶

宮范純粹鄂州居二年正月又責常州別駕鄂州安置

次韻德孺新居病起

次韻德孺感興二首

次韻德孺惠貺秋字之句

並從舊次

求范子默染鷗青紙二首

從舊次子默蓋

德孺之子

謝榮緒惠貺鮮鯽

謝榮緒割麋羶見贈二首

吳執中有兩鵝為余烹之戲贈

右四

詩並從舊次

秋冬之間鄂渚得蟹戲成小詩三

首以題中時序為次

甯子與追和予岳陽樓詩復次韻

二首

和甯子與白鹿寺從舊次

謝人惠猫頭笋從舊次詩有鸚鵡洲前人未知蓋未

離鄂州也鞭笋當謂冬時作

短韻奉乞蠟梅從舊次

以酒渴愛江清作五小詩寄廖明

略初和父詩有將發馮鄂間之句

四休居士詩三首

從舊次蓋在鄂州所作

十二月十九日夜中發鄂渚曉泊

漢陽親舊追送

此以後詩赴宜州賤所時所作

山谷有與人帖云某治行已有緒既嫁女別無一事移舟漢陽

留數日待親識之在近者耳

次韻陳榮緒別後明日見寄之作

詩中有青草枯松之句皆岳州事蓋榮緒送山谷至岳時尚未

過湖也

崇寧三年甲申

是歲二月過洞庭經潭衡永桂等州

五六月間至宜州貶所山谷有跋李資深書卷云

崇寧三年十一月余謫處宜州半歲矣官司謂余不當居關城中乃以是

月甲戌抱被入宿子城南其家寓於永州山谷與

寧平老帖云骨肉寓永州

過洞庭青草湖詩有乙丑越洞庭

按長曆二月二十一日乙丑寅渡青草之句

過土山寨按張舜民南行錄湖中有土山巡檢司去黃陵

廟十里

晚泊長沙示秦處度范元實五首

長沙即潭州在洞庭之南

次韻元實病目

從舊次

勝業寺悅亭

從舊次按南行錄勝業寺在南嶽廟東屬

潭州衡山縣有柳子厚般舟和尚第二碑

離福巖

從舊次按南行錄福巖在南嶽依巖架空為之蓋思

公道場有三生塔亦屬衡山縣

花光仲仁出秦蘇詩卷

從舊次花光寺在衡

州經遠所作

題花光畫

題花光畫山水

所住堂

題高節亭邊山磬花二首

右五篇並次前

詩

第二十卷

贈惠洪

從舊次詩有眼橫湘水暮之句

戲詠零陵李宗古居士家馴鷓鴣

二首

零陵即永州經途所作

李宗古出示二頌作二詩奉呈

從舊

次

書磨崖碑後

浯溪圖

太平寺慈氏閣

題淡山巖二首

明遠庵

玉芝園

游愚溪

右七詩皆永州三月間作詩中可見愚溪詩序云三

月辛丑蓋二十
十八日也

代書寄翠巖新禪師

從舊次雖有
早梅開之句

不可作
時節會

戲答歐陽誠菰謝送茶歌

從舊
次

到桂州

從舊
次

谷內
答許覺之惠桂花椰子茶孟二首

因後篇
附見

以椰子茶瓶寄德孺二首

元在到
桂州詩

後

寄黃龍清老三首

有中秋月之
句秋時所作

崇寧四年乙酉

是歲山谷在宜州九月三十日卒

事具

別傳

宜陽別元明用觴字韻

是歲山谷
年六十一

有為元明書草庵歌圖跋尾曰
時山谷年六十一元明自宜歸

湖南時而此詩有千林風雨
鸞求友之句蓋春時作

和范信中寓居崇寧遇雨二首

信

名寥山谷有跋范寥所收東坡
詩云寶崇寧四年之五月丙午

山谷老人謫居宜州二年矣山
谷又有宜州遊山記蓋四年六

月辛巳而信中掛名其間
此詩亦四年夏所作歟

乞鍾乳於曾公衮

依舊次公衮各
紆曹布子宣之

子時編置永州三年矣豫章後
集有與公衮書云鍾乳何時再

成又云嶺南秋暑殊未解此詩
蓋秋時所作或遂絕筆於此篇

歟

山谷內集詩註目錄終

山谷內集詩註卷第一

天社任淵 子淵註

古詩二首上蘇子瞻
前篇梅以屬東坡
○東坡報山谷書

云古風二首託物引類得古詩人之風其推重如此故置諸篇首云

江梅有佳實託根桃李場
孤文選古詩云冉冉
生竹結根太山

阿此句微其體老杜有江梅詩又有詩云欲
發照江梅吳淑事類梅賦云亦果中之嘉實
文選趙景真與嵇茂齊書曰北土之性難以
託根場謂場圃寒山子詩昨晚向悠悠場中
可憐許上為桃李逕下作蘭蓀渚此句並摘
其字山谷詩律妙一世用意高遠未易窺測
然置字下語皆有所從來孫莘老云老杜詩
無兩字無來歷劉夢得論詩亦言無來歷字
前輩未嘗用山谷屢拈此語蓋亦以自表見
也第恨淺聞未能盡知其源委姑隨所見箋

於其下庶幾因指以識月桃李終不言朝露

借恩光漢書李廣傳贊曰桃李不言下自成

樂府曰入門各自媚誰肯相為言此用其意

白樂天有木詩曰風煙借顏色雨露助華滋

文選江淹上書曰大王惠以恩光顧以顏色

此用其字下皆倣此詩意謂東坡見嫉於當

世獨為人孤芳忌皎潔冰雪空自香退之詩

主所知耳虞群孤芳難寄林文選顏延年祭屈原文云

物忌堅芳人諱明潔鮑明遠詩艷陽桃李節

皎潔忌成妍樂府蘇子卿梅花古來和鼎實

落曰只言花是雪不悟有香來

此物升廟廊老杜詩古來才大難為用文選

作和羹爾惟鹽梅文選古詩曰此物何足貴

但感別經時慎子曰廊廟之材非一木之枝

歲月坐成晚煙雨青已黃文選古詩曰思君

令文人老歲月忽已

晚玉臺新詠鮑照雜詩曰煙雨交將夕從此
遂分形周處風土記云夏至前兩名黃梅雨
初學記曰梅熟而雨曰得升桃李盤以遠初
梅雨江東呼為黃梅雨
見嘗韓退之李花詩冰盤夏薦碧實脆韓詩
外傳田饒曰黃鵠無五德君猶貴之以
其所從來者遠終然不可口擲置官道傍其
矣東坡蓋蜀人
終然謝天伐老杜病橘詩紛然不適口豈只
存其皮莊子曰楂梨橘柚皆可於口李賀詩
擲置黃金解龍馬官道傍用此說王充不趣
道傍若李意詩意謂東坡棄置於外郡也
但使本根在棄捐果何傷君子之於世視其
所立何如不在遇
不遇也左傳曰葛藟猶能庇其本根文選古
詩曰棄捐勿復道努力加餐飯○左傳曰一
扶女庸
何傷

又後詩松以屬東坡茯苓以屬
門下士之賢者菟絲以自况

青松出澗壑十里聞風聲

文選左太冲詠史詩鬱鬱澗底松離

離山上苗顏延年詩松風遵路急宋玉高唐賦曰不見其底虛聞松聲詩意謂東坡以大

材而沉下僚其蓋世上有百尺絲下有千歲

苓淮南子說山訓曰千年之松下有茯苓上

上而無根一名女蘿又按頰弁詩薦與女蘿施于松拍註云女蘿兔絲松蘿也正義則曰

陸機疏云今兔絲蔓連草上生非松蘿松蘿自蔓松上生事或當然陶隱居註本草兔絲

條亦云舊言下有茯苓上有兔絲今未自性

得久要為人制頰齡此句指茯苓條陶隱居註曰

為藥無朽蛙膏得昔人所埋計三十年而色理無異明其真全不朽矣而本經言久服安

魂養神不飢延年圓覺經曰圓覺自性非性有魯論曰久要不忘平生之言陶淵明詩

菊為制類 小草有遠志相依在平生此句以下

按菀絲在本草草部世說桓溫問謝安遠志又名小草何以一物而有二名 郝隆曰處則

為遠志出則為小草此特借用以指菀絲言其不依附凡木所志遠矣 左傳曰輔車相依

平生見醫和不並世深根且固蒂人言可醫上註

國何用太早計本本草菀絲條掌禹錫註引抱朴子云菀絲之草下有伏兔

之根無此兔則絲不生實不屬也此詩借用而本經言菀絲久服明目輕身延年詩意謂

依附賢者足以自樂至其不為當世所知則亦自重難進而未嘗汲汲也晉語平公有疾

秦伯使醫和視之文子曰醫官也國家乎對曰上醫醫國其次醫人固醫官也老子曰是謂

深張固蒂長生久視之道史記孔子弟子傳日孔子皆後之不並世莊子曰且汝亦太早

計小大材則殊氣味固相似草木寡君在君

君之臭味也明皇雜錄高力士諫
薺詩曰夷夏雖有殊氣味終不改

醇道得蛤蜊復索舜泉舜泉已酌盡官

醞不堪不敢送

青州從事難再得牆底數樽猶未眠商略督

郵風味惡不堪持到蛤蜊前

世說桓公有主簿善別酒有酒

輒令先嘗好者謂青州從事惡者謂平原督郵註云青州有齊郡平原有菑縣從事謂到

齊下督郵謂到菑上住也漢書李夫人傳曰佳入難再得張籍詩酒盡卧空瓶開元傳信

記曰麴生風味不可忘也此反而用之世說孫興公許玄度共在白亭樓商略先往名達

次韻王稚川客舍二首

彭山黃氏有山谷手書此詩云

王欲稚川元豐初調官京師寓家鼎州親年九十餘矣嘗閱貴人家歌舞醉歸

書其旅邸壁間云鴈外無書為客久蛩
邊有夢到家多畫堂玉佩縈雲響不及

挑源款乃歌余訪雅
川於邸中和之

五更歸夢常苦短一寸客愁無奈多孟郊詩

起嗟夢短不到家文選短歌行曰來日苦短
去日苦長使信愁賦曰且將一寸心能容萬

斛愁五更字從黃氏慈母每占烏鵲喜家人
本而別本或作五湖

應賦虞虞歌黃氏本作慈母不嗔烏鵲語閨

仕秦其妻歌曰百里奚五羊皮憶別時烹伏
雌炊虞虞今日富貴忘我為又按西京雜記

陸生曰乾鵲噪而行人
至老杜詩浪傳烏鵲喜

又

身如病鶴翅翎短心似亂絲頭緒多王介甫

詩云每怜今日長垂翅却悔當時誤剪歸退
之南山有高樹行日路遠翅短不能持汝
歸樂府華山畿日腹中如亂絲老杜詩王壘
題詩心緒亂太白詩綠絲憶君頭緒多坡詩
病後空此曲朱門歌不得湖南湖北竹枝歌
驚鶴瘦

老杜詩為公歌此曲歐公詩朱
明歌舞爭新態竹枝歌見下註

王稚川既得官都下有所盼未歸予戲

作林夫人款乃歌二章與之竹枝歌本

出三巴其流在湖湘耳款乃湖南歌也

款音襖乃音藹黃氏有山谷手寫舊本
題云余復代稚川之妻林夫人寄稚川

時稚川在都下有所
顧盼留連未歸也

花上盈盈人不歸棗下纂纂實已垂
黃氏日本
前章日

花上盈盈人不歸
 道魚千里蓋世功名泰一炊
 載劉敬叔異苑曰臨川聶包死數年忽詣南
 豐見沈道襲歌笑每歌輒作花上盈盈正聞
 行當歸不聞死復生文選潘岳笙賦歌曰棗
 下纂纂未實離離宛其死矣化為枯枝人生
 不能行樂死何以虛謚為李善註引古咄咄
 歌曰棗下何橫橫榮華各有時棗欲初赤時
 後人四邊來棗適今日賜誰能仰視之什旅
 張氏有山谷手書此詩與今本正同唯一二
 字稍異實已垂作實已稀又有跋云宋時有
 鬼女至人家歌花上盈盈曲聲悲怨不可聽
 潘岳閑居賦中歌曰棗下纂纂云云所援
 引小有抵梧蓋隨所記憶略舉大槩耳
 雪在時聽馬嘶長安城中花片飛
 杜詩一片花飛滅却春風飄萬
 點正愁人長安蓋借言汴京

又

從師學道魚千里蓋世成功泰一炊

黃氏本

卧水泣竹慰母飢天吳紫鳳補兒衣臈雪在
時聽斯馬長安城中花片飛四句蓋舊所作
後方改定今附見於此庶知前輩有日新之
功也後漢李固傳步行尋師不遠千里晉書
夏侯湛傳曰古之人取乃千里尋師漢書項
羽傳曰力拔山兮氣蓋世莊子曰功蓋天下
而似不自已張氏本有山谷跋云魚千里蓋
陶朱公養魚法凡魚遠行則肥池中養魚慮
其瘦故於池中聚石作九島魚繞之日行千
里黍炊即淳于棼夢富貴百年於蟻穴中破
夢起坐舍中炊黃粱猶未熟也山谷之說如
此予按齊民要術載陶朱公養魚經曰以六
畝地為池池中有九洲六谷求鯉魚內池中
云云又按吳越春秋范蠡曰會稽之山有魚
池水中有三江四瀆之流九溪六谷之廣山
谷本引用此說特以意加損爾然詩意則謂
千里訪道如魚之回旋往復徒自苦耳不若
歸而求之有餘師劉向新序立吾子曰吾有

三失少好學問周遍天下還後吾親亡一失也山谷蓋用此意又按異聞集道者呂翁經

言訖思寐時主人方炊黃粱為饌翁乃探懷中枕以授生枕兩端有竅生夢中自竅入其

家見其身富貴五十年老病而卒欠伸而悟顧呂翁在傍主人炊黃粱尚未熟山谷所引

蟻穴夢自是一事亦見異聞集當是記意不審耳詩意則謂功名政復蓋日月倚門人不

世豈若殺水奉親之樂耶

見看盡林鳥反哺兒

戰國策齊王孫賈之母謂賈曰汝朝出而晚來

則吾倚門而望暮出而不還則吾倚廬而望錢起詩曲終人不見文選東哲補南陔詩曰

敬敬林鳥受哺于子李善註云純黑而反哺者鳥也老杜詩舟鷁排風影林鳥反哺聲

詠史呈徐仲車

元註曰仲車以贖弃官○哲宗實錄曰徐積楚

州人治平四年擢進士第事母孝篤鄉間化之積字仲車山谷同年生也

諸葛見益州釋耒耜三顧蜀志諸葛亮傳亮躬耕龍畝先主詣

亮三往乃見上疏後主曰先帝不以臣卑鄙猥自枉屈三顧臣於草廬之中先主傳曰建

安十九年復領益州牧文選沈休文安陸王碑曰農夫釋耒耜按鹽鐵論曰儒者釋耒耜而

學不驗之語川流恨未平武功原上路諸葛亮傳建興十二年

年據武功五丈原與司馬宣王對於渭南其年八月卒老杜武侯廟詩曰功蓋三分國名

成入陣圖江流石不轉遺恨失杜微對諸葛吞吳此借用以不得滅魏為恨

興致但求去傾心倚經綸坐上漫書疏蜀志杜微

傳微字國輔先主定蜀微嘗稱聾閉門不出丞相亮領益州牧選迎皆妙簡舊德以微為主簿固辭舉而致之亮以微不聞人語坐上

與書微自乞老病求歸亮又與書曰君但當以德輔時耳不責君軍事拜為諫議大白鷗

夫以從其志仲車病聾故以此事戲之

渺蒹葭霜鵲在指呼借問諸葛公如何迎主

薄老杜詩白鷗沒浩蕩萬里誰能馴又詩莫依翻雲鵲聞呼向禽急按通典選舉門陳

依梁制諸州迎主簿得未壯而仕○何遜詩可憐雙白鷗朝夕水上遊蒹葭字見詩

宿舊彭澤懷陶令彭澤今屬江州故城在縣東四十里昭明

太子作陶淵明傳謂親朋曰聊欲弦歌以爲三徑之資可乎執事者以爲彭澤

令歲終會郡遣督郵至縣淵明即日解印綬去職南史隱逸傳曰陶潛字淵明

或云字深明名元亮

潛魚願深眇淵明無由逃彭澤當此時沉冥

一世豪莊子曰鳥獸不厭高魚鼈不厭深夫全其形生之人藏其身也不厭深眇

而已矣正月詩曰魚在于沼亦匪克樂潛雖伏矣亦孔之昭箋云池魚之所樂而非能樂

其潛伏於淵又不足以逃甚昭昭而易見以喻
時賢者在朝廷道不行無所樂退而窮處又
無所施也揚子曰蜀莊沉冥宋司馬寒如灰
子京詩云虛負詩中一世豪

禮樂卯金刀東晉司馬氏末年禮樂征伐自
劉裕出范文正公作秋梁公碑

云武暴如火李寒如灰漢書王歲晚以字行
莽傳曰夫劉之為字卯金刀也

更始號元亮淒其望諸葛骭髀猶漢相老杜
詩淒

其望呂葛蜀志建安二十五年傳聞漢帝見
害先主發喪制服二十六年四月即皇帝位

改元章武以諸葛亮為丞相後漢趙壹傳曰
伊優北堂上抗髀倚門邊註云抗髀高亢

貌也時無益州牧指揮用諸將益州牧見上
註老杜詩指

揮若定失蕭曹平生本朝心歲月閱江浪南
史

陶潛傳曰自以曾祖晉世宰輔恥復屈身後
代自宋武帝王業漸降不復肯仕所著文章

皆題其年月義熙以前明書晉氏年號自求

初以文選孔文舉論盛孝章空餘詩語工落筆

書云歲月不居時節如流空餘詩語工落筆

九天上隨風生珠玉此句頗采其意孫子曰

善攻者動於向來非無人此友獨可尚孟子

九天下之善士為未足又尚論古之人頌其

詩讀其書不知其人可乎是以論其世也是

尚友屬予剛制酒無用酌杯盞書曰矧汝欲

招千歲魂斯文或宜當楚詞宋玉有招魂篇

宜當按韓退之詩吁嗟苦驚緩但懼失宜當

題山谷石牛洞石牛洞在舒州三祖山

州嘗題詩云水冷冷而北出山空歸故

山谷亦
擬作

司命無心播物祖師有記傳衣瀟山在舒州懷寧縣北有

九天司命真君祠山谷寺在縣西有三祖僧

嚟大師塔漢書賈誼賦曰大鈞播物塊然無

垠傳燈錄達磨傳以袈裟授慧可曰內傳法

印以契證心外付袈裟以定宗旨汝今受此

衣用以表明其化無礙吾滅後白雲橫而不

二百年衣止不傳法周沙界後白雲橫而不

度高山倦而猶飛退之詩雲橫秦嶺家何在

度山雲漢書韓信傳曰鳥倦飛而知還

題瀟峯閣提刑司

徐老海棠巢上元註云徐佺樂道隱於藥肆

飲時與客巢玉翁主簿峯菴元註云王道人參

飲其間

主薄峯上嘗有毛
人至其間問遺
梅蘂破顏冰雪綠叢不見

黃柑樂天詩一放狂歌一破顏東坡和李公

又懷公擇詩云我何人慰流落嘉蘂天為種

我三寸柑照坐光卓犖時公擇作淮西憲使

次韻公擇舅

昨夢黃梁半熟立談白壁一隻驚鹿要須野

草鳴鷗本願秋江黃梁見上註史記虞卿傳

金百鎰白壁一雙唐王建有言詩曰再見

封侯萬戶立談賜壁一隻愁康絕交書曰禽

豐草
贛上食蓮有感

蓮實大如指分甘念母慈

爾雅荷笑葉其華苗蓄其實蓮其根

萬其有的的中薏註曰蓮謂房也的蓮中實也南山的有臺詩疏引陸機草木疏云拘樹似

白楊有子著樹端大如指此借用其字詩意謂指也唐本草亦曰丹砂其次大者如指

指晉書王羲之傳曰率諸子抱弱孫有一味之甘割而分之以娛目前○念母字見詩渭

陽共房頭鰓鰓更深兄弟思

王曰西王母見穆

天子進素蓮一房百子實中有么荷拳如小詩曰其角鰓鰓此借用

兒手令我念衆鵲迎門索梨棗

三荷謂小葉太白詩曰初

拳幾枝蔽圖經本草曰菰根歲久者中心生白臺如小兒臂謂之菰手此句頗采其意

正平鸚鵡賦曰憫衆鵲之無知淵明歸去來曰雅子候門又責子詩曰通子垂九齡但覓

梨與栗△公詩有蔽芽已作小兒拳之句張閣見之云此忍人也時閭為河內推官與通

判葛繁皆蔬食誦經故有此語王直方云今此亦云云荷拳如小兒手兩用皆有妙處

蓮心政自苦食苦何能甘甘食恐腊毒素食

則懷慙爾雅的中薏註曰中心苦陸機草木疏曰呈語云苦如薏是也晉書謝安

傳曰正自不能不爾耳國語曰厚味實腊毒伐檀詩曰不素飭兮蓮生淤泥

中不與泥同調維摩經曰譬如高原陸地不生蓮華卑濕泥乃生此華

選詩曰異食蓮誰不甘知味良獨少中庸曰代可同調

飲食也鮮能知味也晉書桓伊歌曰為臣良獨難吾家雙井塘十里

秋風香安得同袍子歸製芙蓉裳雙井在洪州分寧縣

詩曰豈曰無衣與子同袍此借用王介甫和俞秀老詩亦曰解我薏琚脫孟勞暮年甘與

子同袍離騷曰製芰荷以為衣集芙蓉以為裳

秋思寄子由

黃落山川知晚秋小蟲催女獻功裘

禮記月令曰草

木黃落春秋考異郵曰立秋促織鳴宋均詩

日趣織蟋蟀也立秋女功急故趣之周禮司

裘季秋獻功裘註云人功老松閱世卧雲壑

微蠹謂執青鬻裘之屬又古和行大廈如傾要梁

挽著滄江無萬牛

陳萬牛回利欲薰心隨人翕張國好駿馬盡為王良

韓退

之送高閑序曰利欲闖進有得有喪易艮之

九三曰艮其限列其夤厲薰心老子曰將欲

張之必固翕之盡為王良言疏俗

不有德人

俗無津梁莊子曰體道窮宗為世津梁張湛註列

詩曰道喪涉千歲津梁誰能了世說庾亮嘗

入佛寺見卧佛曰此子疲於津梁于時以為

名德人天遊秋月寒江莊子曰天之穿之日

言德人天遊秋月寒江夜無降人則顧塞其

竇胞有重閨心有天遊室無空虛則婦姑勸

磯心無天遊則六鑿相攘寒山子詩曰吾心

似秋月無天遊則六鑿相攘寒山子詩曰吾心

潭清皎潔映徹萬物玲瓏八窓言此韻書曰

玲瓏神明見禮記明堂位疏引孝於愛欲泥如

蓮生塘處水超然出泥而香孔竅穿穴明冰

其相維乃根華其本舍光圓覺經曰愛欲為

經曰示有妻妾絲女而常樂遠離五欲淤泥

又曰譬如高原陸地不生蓮華卑濕淤泥乃

生此華超曰經曰如蓮華不着水心清淨超

於彼詩曰金玉其相註云相質也竅穴冰相

皆謂藕文選崔子王座右銘大雅次翁用心

不忘日問月學旅人念鄉能如斯蓮訖可小

康孟子曰必有事焉而勿正心勿忘勿助長

也旅人念鄉言不忘也如鍾儀莊舄之類是

在俗行李密密堂堂唐有密密堂堂之謠此

安國師曰如何是自已意師曰當觀密作用

又誌公頌曰丈夫運用堂堂逍遙自在無妨

左傳行李之往觀物慈哀蒞民愛莊魯論曰

來供其困乏莊則敬又云不莊成功萬年付之面墻草衣

石質與世低昂欲成遠大事業當如少林之

食鐵石其心然未嘗違世亦與之俯仰聊同

其波耳唐黃蘗禪師傳心法要曰勤苦修行

草衣木食又權德輿有草衣禪師宴坐記漢書司馬遷書曰故且從俗浮沈與時俯仰楚詞曰服偃蹇以低昂

演雅

桑蠶作繭自纏裏蛛蝥結網工遽羅樂天詩蠶誰

救護蠶繭自纏紫呂氏春秋秋湯祝網曰蛛蝥作網令人學之符子曰公子重耳遊大澤之

犯日此蟲也德薄矣而猶役其智云燕無

居舍經始忙蝶為風光勾引破詩曰經始勿

語風光共流轉又落花詩云影遭碧老鷓鴣

街石宿水飲穉蜂趨衙供蜜課司馬相如上

下註云鷓鴣也梅聖俞詩不比西池老禿鷓

樹萱錄曰嘗見數鳥倚山間碎石登於樹抄

俄復入水又銜石登樹者數四處士揚存素
曰是鵲伏卵多入水其體冷濕還取磨石耳
按博物志云鵲水鳥也伏卵時卵冷則不沸
取磨石用繞卵以助燥氣陶隱居註本草磨
石條亦引此說又按陳藏器本草云鵲巢中
以泥為池含水蒲也中養魚及蛇以哺其子
山谷以爲老鵲未諭裨雅曰蜂有兩衙應潮
唐書食貨志曰主戶內有課口者爲課戶
鵲傳吉語安得閑鷄催晨興不敢卧語曰乾

鵲噪而行人至漢書陳湯傳曰不出五氣陵
日當有吉語聞炙轂子云鷄一名司晨

千里蠅附驥枉過一生蟻旋磨後漢書曰蒼蠅之飛不過

十步若附驥尾日馳千里晉書天文志周髀
家云譬之於蟻行磨石之上磨左旋而蟻右

去磨疾而蟻遲故不蠹間湯沸尚血食雀喜
得不隨磨以左迴焉

宮成自相賀淮南子曰湯沐具而蟻蠹相賀晴天

振羽樂蜉蝣空允祝兒成蜾蠃蜉蝣詩曰蜉蝣之羽衣裳

楚楚註蜉蝣渠略也朝生夕死七月詩曰七月莎鷄振羽法言曰螟蠕之子殫而逢蜾蠃

祝之曰類我類我久則肖之矣註謂螟蠕蟲也蜾蠃蒲盧也桑蟲子始生而蒲盧取之於

木空中七日祝而蜉蝣轉丸賤蘇合飛蛾赴

燭甘死禍莊子齊物論註曰蜉蝣者乃以蘇合為貴

按爾雅蜉蝣蜉蝣也南史傅亮傳直宿井邊

禁中觀夜蛾赴燭作感物賦以寄意井邊

蠹李蟪蛄肥枝頭飲露蟬常餓孟子曰井上

者過半矣徐廣雜註曰侍臣天蟪伏隙錄人

語射工含沙須影過本草蟪蛄一名蟪蛄一名

物頗協神鬼昔人獄中得其力者今人夜忽

見出多打殺之言為鬼所使也傳物志曰

南溪水中有射工蟲長一二寸口中有弩形

氣射人影不治則殺人春秋莊公十八年有

沙射人影訓狐啄屋真行怪蠭蛸報喜太多

可退之射訓狐曰有鳥夜飛名訓狐矜矜挾

常產禮記中庸曰索隱行怪行音下孟反東

山詩註曰蠭蛸長也疏云河內人謂之喜

母此虫來著人衣當有親客至有喜也鷺鷥

秘康絕交書曰足下旁通多可而少怪鷺鷥

密伺魚蝦便白鷺不禁塵土浣人淫繁經曰如

其便詩義疏曰鷺水鳥也好而潔白謂之白

鷺退之詩願書巖上石勿使塵泥浣老杜詩

播免穀子曰莎雞古今註一名促織一名絡

緯謂其鳴如紡績織緯也老杜詩布穀處

處催春種按爾雅鴈鵠鵠註五技鼯鼠笑

鳩拙百足馬蛇憐鼈跛荀子曰鼈鼠五技而

鳩爾拙固無匹不能取巧婦以共營家室博

物志曰百足一名馬蛇莊子曰蛇憐蛇楚辭

荀子曰豈若跛鼈之與六翼足哉老蚌胎

中珠是賊醯雞瓮裏天幾大三輔決錄孔融

父書曰不意雙珠出於老蚌準南子曰明孔

之珠蚌之病而我之利莊子田子方篇曰孔

子見老聃告顏回曰丘之於道也其猶醯雞

與微夫子之發吾覆也吾不知天地之大全

也註云醯雞者甕中之蟻蠓比吾全於老聃

猶醯雞之與天地矣談苑劉師道詩醯雞舞

天螳螂當轍恃長臂熠燿宵行矜照火恃一

華子曰猶螳螂之怒臂以當車軼則必不勝

任矣音義曰軼音轍詩曰熠燿宵行註云熠

憐也螢提壺猶能勸沽酒黃口只知貪飯顆

少也

提壺鳥名梅聖俞四禽言云提壺蘆沽美酒

風焉賓樹為友山花撩亂目前開勸尔今朝

千萬壽家語孔子見羅雀者所得皆黃口小

雀曰大雀善驚而難得小雀貪食而易得據

言李白詩飯顆伯勞饒舌世不問鸚鵡纔言

山頭逢杜甫

便關鑠劇談錄白居易七月鳴鵒花詩曰不綠啼

鳥春饒舌青瑣仙即何得知曲禮曰鸚鵡能

言不離飛鳥劉寔得和樂天鸚鵡詩曰華遣

聰明好顏色事春蛙夏蜩更嘈雜土蚓壁蟬

須安置入深籠

何碎瑣疑作曹贊文選東京賦云奏嚴鼓之

曹贊音才達反孟子曰張周封言壁上食搞壤下飲

黃泉酉陽雜俎曰蟬音淫衣白江南野水碧於

焉白魚韻書曰蟬音淫衣白江南野水碧於

魚也韓孟聯句竹影金瑣碎江

天中有白鷗閑似我杜詩飄零何所似天地

一沙鷗○葉公
詩野水無人渡

戲和荅禽語

南村北村雨一犁新婦餉姑翁哺兒田中啼

鳥自四時催人脫袴著新衣著新替舊亦不

惡去牢租重無袴著東坡樂府曰歸去
江上一犁春雨晉書列

女傳謝安曰王郎逸少子不惡汝何恨也前
漢食貨志曰租挈重註云收田租之約令也

○東坡在黃州日效梅聖俞體作五禽言布
穀云南山昨夜雨西溪不可渡溪邊布穀兒

勸我脫布袴不辭脫袴溪寒水中照見催
租癡東坡自註云土人謂布穀為脫却布袴

先生此詩
大相類也

贈鄭文山谷有招清公詩跋云草堂鄭
交處士隱處小塘芙蓉盛開使

雞伏鶯鶯卯與人馴狎不驚畏老禪延
恩長老法安師懷道趣世清公少時蓋
依之數年今觀跋意即此詩但題不同
爾鄭交字子通見於山谷書只及題跋

高居大士是龍象草堂丈人非熊羆
靈大士謂

惟清清蓋晦堂之法嗣山谷與歐陽元老帖
云清師歸所受業院武寧之高居想甚得所

也武寧屬洪州蓮經曰文殊師利語彌勒及
諸大士如我惟忖今佛世尊欲說大法傳燈

錄達磨傳曰波羅提法中龍象按智度論云
龍象言其力大龍水行中力大象陸行中力

大故今以負荷大法者比之龍象史記齊世
家曰呂尚年老以漁釣干周西伯伯將翬

卜之曰所獲非龍非鼉非虎非龍所獲霸王
之輔果遇於渭水之陽載與俱歸立為師彼

大龍非熊不逢壞納乞香飯唯見白頭垂釣
虎為非熊不逢壞納乞香飯唯見白頭垂釣

絲上句謂清公未至延恩下句指鄭交四分
絲律云一切上色衣不畜得當壞作迦沙色

智度論云五比丘曰佛當著何等衣佛言應
著衲衣金剛經曰爾時世尊食時著衣持鉢
入舍衛大城乞食維摩詰老杜詩江邊老病雖無力強
香飯與維摩詰老杜詩江邊老病雖無力強
疑晴天鴛鴦終日愛水鏡齒齒晚風彫舞衣
理釣絲天鴛鴦終日愛水鏡齒齒晚風彫舞衣
襄陽記曰司馬德操為水鏡晉書樂廣傳衛
曜曰此人之水鏡也趙嘏詩曰紅衣落盡渚
蓮愁書曰開徑老禪來莫茗還尋密竹逕中
龍之舞衣陶淵明詩云開徑望三益老杜寄
歸江淹擬陶淵明詩云開徑望三益老杜寄
靈運詩連巖覺路
塞窰竹使徑迷

平陰張澄居士隱處三詩

仁亭

無心經世網有道藏丘山

選詩曰世養生息
綱嬰我身

天黥藝木印歲寒莊子大宗師篇意而子曰

而補我劇管子曰十年之計樹之以木印謂

驗其信然必相符合也○論語歲寒然後知

松栢之德人墻九仞強學窺一斑王荅子曰德

後周思行無慮不藏是非善惡禮記儒行曰風夜

強學以待問晉書王獻之傳客曰此郎管中

窺豹時見一斑○論語夫子之墻張俠大雅

數仞書為山九仞孟子掘井九仞張俠大雅

質結髮闢儒闕髮而與匈奴戰董仲舒傳曰

太學賢士之開闢音丑甚反韻書註云馬奇

出門皂退之詩聞然入其戶三稱天之言奇

羸忽諧偶老大嘗艱難奇漢書食貨志曰操其

病傳曰常留落不耦左傳曰險阻艱難備嘗

之矣詩意謂張君少年進取如射利者往往

逢時遇合既老知世故之築亭上雲雨日月

多艱遂絕意於仕進也

轉朱欄

文選頭陀寺碑曰層軒延袤上出雲霓迴

帶於

於

於

於

於

於

於

於

於

於

玉女及諸衣食末數事又云床敷綵女資坐

具張拙頌云凡聖含靈共我家退之書云耕

於寬閑

牧牛有坦途亡羊自多端

安傳燈錄曰

安在

安在

安在

安在

安在

之野

安在

安在

安在

安在

安在

安在

安在

安在

安在

安在

安在

安在

安在

安在

安在

安在

安在

安在

安在

可憐

可憐

可憐

可憐

可憐

可憐

可憐

可憐

可憐

可憐

近來

近來

近來

近來

近來

近來

近來

近來

近來

近來

追之

追之

追之

追之

追之

追之

追之

追之

追之

追之

歧路

歧路

歧路

歧路

歧路

歧路

歧路

歧路

歧路

歧路

公都

公都

公都

公都

公都

公都

公都

公都

公都

公都

生楚

生楚

生楚

生楚

生楚

生楚

生楚

生楚

生楚

生楚

策讀

策讀

策讀

策讀

策讀

策讀

策讀

策讀

策讀

策讀

也市聲塵午枕常以此心觀世故紛紜能亂人意故紛紜能亂
之當不戰而勝也漢書霍去病傳曰合短兵
鑒臯蘭下註云世俗謂盡死殺入為塵糟音
意曹

復庵

春糧出求仁行李彌宇宙以客渺愁人馬飢

僕夫瘦

莊子曰適百里者宿春糧魯論曰求

矣我僕痛矣

歸來一丘中萬事不改舊漢書

班嗣曰漁釣於一壑則萬物不奸其志拙遲

時人只改舊時行履處此詩大抵

永黍鋤其

與後卷贈柳展如茅八首同意
驕牛羊鞭在後甫田詩無田甫田維莠驕驕

後者而之隱几天籟寒六鑿忽通透莊子齊物論曰南郭

子綦隱几而坐曰汝聞人籟而未聞地籟汝聞地籟而未聞天籟夫又外物篇胞有重閭則六鑿相攘司馬彪云謂六情攘奪鑿音在

亨泉

水德通萬物發源會時亨伏坎非心願成川

且意行易象卦曰山下出泉象又曰蒙亨以亨行時中也又坎卦曰有孚唯心亨

行有尚彖曰唯心亨乃以剛中也東坡易傳云所遇有難易然而未嘗不志於通是水之

心也物之室我者有盡而是心無已則終必勝之故水之所以至柔而能勝物者維不以

力爭而以心通也不以力爭故柔外以心通故剛中劉禹錫詩腰斧上高山意行無舊路

此借 栖遲林丘下欲濯無塵纓栖遲見前註

日到林丘孟子曰滄浪之水清兮可以濯我纓文選北山移文曰今見解蘭縛塵纓沈休

文新安江水詩曰紛吾隔泥滓豈假濯衣巾願以潺湲水沾君衣上塵杖藜連

載酒一瓢酌餘清莊子曰原憲杖藜而好事者

載酒肴從游學逸士傳許由隱箕山以手捧水飲之入遺一瓢得以操飲選詩密林含餘清

留王郎王純亮字世弼山谷之妹婿見於黃氏世譜

河外吹沙塵江南水無津言南北相望之遠

洲多沙塵風悲黃雲起書骨肉常萬里寄聲

何由頻廣漢傳曰界上亭長寄聲謝我我隨

簡書來顧影將一身詩曰畏此簡書曹子建

情愧赧資洽通鑑晉李密言吾獨立於世顧

影無儔退之詩念改將一身西來曾幾年○

何晏行狀顧留我左右手奉承白頭親邵續

傳見魏志成都王頴計長沙小邦王事略蟲鳥

王又曰兄弟如左右手

聲無人小邦謂德安鎮詩曰王事靡盬謝靈

之琴操曰王甥解鞍馬夜語雞喚晨爾雅曰

四無人聲王甥解鞍馬夜語雞喚晨爾雅曰

甥為母慈家人肥女惠男垂紳禮記禮運曰

睦夫婦和家之肥也王介甫作鄣女墓誌曰

吾女生惠異甚按惠與慧同禮記王藻曰童

子之節也緇布衣錦有田為酒事豚韭及秋

錄錦紳又曰紳垂足

春酒事謂麴蘖事見下名事註禮記王制生

日庶人春薦韭秋薦黍韭以卯黍以豚

涯得如此舊學更光新莊子曰吾生也有涯

其德新索去何草草小留慰艱勤君老杜詩問

取別何百年才一炊六籍經幾秦用邯鄲夢

事見上註選東京賦註曰蓋六籍所不能談

李善註引封禪書曰六經載籍之傳王介甫

度州學記曰周道微不幸而有秦燒詩書殺

卿校者矣介甫又著桃源要知胃中不與

迹同陳莊子曰六經先王之陳迹也豈其所以

哉郢人懷妙質聊欲運吾斤莊子曰莊子過

者曰郢人墮漫其鼻端若蠅翼使匠石斲之
匠石運斤成風聽而斲之盡墜而鼻不傷郢
人立不失容宋元君聞之召匠石曰嘗試為
我為之匠石曰臣則嘗能斲之雖然臣之質

死久矣自夫子之死也吾無以為質矣

送王郎

酌君以蒲城桑落之酒

庾信詩云蒲城桑落酒灞岸菊花秋按續

古今註云索郎酒桑落時美故因以為名齊民要術載釀桑落酒法亦以九月或云桑落

河名非也杜泛君以湘纍秋菊之英

漢書揚雄

作反騷曰欽吊楚之湘纍註謂屈原赴湘死故曰湘纍楚辭曰夕食秋菊之落英

貝曾

君以黔川點漆之墨

黔音伊漢舊縣今屬黔州墨譜云江南黔歙之

地有李廷珪墨尤佳廷珪本易水人唐末渡江居歙造墨有名蕭子良著王僧虔書云仲

將之墨一送君以陽關墮淚之聲

王維詩勸君更盡一

點如漆杯酒西出陽關無故人李商隱詩斷腸聲裏唱陽關墮淚碑見晉書羊祜傳

酒澆

之五月六月盛陽也皜皜甚白也皜音杲詩
曰其雨其雨杲杲出日山谷荅王雱書曰想

以道義敵紛華之兵戰勝久矣古人云并敵
一向千里殺將要須心地收汗馬之功讀書

乃有**有弟有弟力持家婦能養姑供珍鮭**杜老

同谷歌云有弟有弟在遠方古樂府曰健婦
持門戶南史庾杲之傳任時戲曰誰謂庾郎

貧食鮭常有二十七種鮭音
戶佳反切韻曰魚名出吳志**兒大詩書女絲**

麻公但讀書煮春茶禮記曰治
其絲麻

次韻劉景文登鄴王臺見思五首劉孝

景文其父平死於趙元吳之難
鄴中記魏武於銅雀園立三臺

黃濁歸大壑漣漪遶重城郭璞註爾雅曰河
所受渠多衆水溷

清宜其濁黃漢書谷永傳黃濁四塞此借用
其字列子曰渤海之東不知幾億萬里有大

野之水莫不注之詩曰河水清且連漪西風

一橫笛金氣與高明杜牧之詩深秋簾幕千

漢書五行志曰金氣病則木殄之老杜詩大

火運金氣荆揚不知秋劉禹錫秋螢引曰夜

光寂寥金氣靜文選笙賦李善註引淮南子

曰窸窣擊牛角而疾商聲歌曲商金聲清故

以為曲王逸註楚辭九辯歸鴉度晚景落鴈

曰秋天高朗氣清明也

帶邊聲老杜詩輕鳥度層陰平生知音處

別離空復情知音見後篇註老杜詩遠送從

此別青山空復情按謝玄暉詩

嬋娟空

復情

又

舊時劉子政憔悴鄴王城把筆已頭白見書

猶眼明

漢書劉向字子政用以比景文寰字記故鄴城在相州鄴縣東魏武帝受

封於此呼

平原秋樹色沙麓暮鐘聲

用老杜寄李白

詩渭北春天樹江東日暮雲句律平原今德州山谷是時監德州德平鎮寰字記沙麓在

魏州元城縣東即漢書元后傳王翁歸鴈南孺徙居之地今為北京與相州相接

飛盡無因寄此情

管子桓公曰夫鴻鴈春秋北

鴈離離而南飛漢書蘇武傳天子射上林中得鴈足有繫帛書老杜詩相憶無南鴈何時

有報章

又

繫匏兩相憶極目十餘城

繫匏見魯論文選古詩云下有長相

憶楚辭曰目極千里兮傷心悲按德與相俱在河北漢書吾丘壽王傳曰連十餘城之守

積潦干斗極山河皆夜明劉禹錫詩積潦搜

斗極虛賦曰上干青雲杜牧詩觚稜拂白壁按劍

起漢書鄒陽傳曰明月之珠夜光之璧以闇

而投人於道衆莫不按月之珠夜光者何則無因

前也朱絃流水聲記曰朱絃疏越一唱而三

伯牙鼓琴意在鍾子期曰魏巍乎意在永

如華逢四時爾木石了無情達人之於窮通

暑初無喜愠也莊子曰古之得道者窮亦樂

通亦樂所樂非窮通也道德於此則窮通焉

寒暑風雨之序矣樂天李夫人詩曰人

非木石皆有情名士傳曰臨籍了無愧色

又

茗花浮曾坑

陸羽茶經曰味饒者湯之華也

山谷內集一

二十三

首曰花東坡和曾仲錫詩云君家酒泛酌宜

新致雪坑茶自註云近得曾坑茶酒泛酌宜

城周禮酒正泛齊註曰泛者成而萍浮泛從

曹植酒賦曰宜城醪矣疏云宜城說以為地名故

清劉香以為酒名未知孰是路尋西九曲

此篇以末句考之蓋追記汴京東西舊游而

此句述其經行之地按宋次道東京記閭闔

門外福昌坊有九曲子人似漢三明後漢穎

巷山谷所指或當謂此字紀明與皇甫威明張然明並知名顯達京

師旃為涼州三明明范曄贊曰山西多猛三明明

儂千戶非無相領後漢班超詣相者相者曰燕

後封定遠侯景文將家五言室有聲鼎聯句

子故用三明明及此事何時郭池晚照影寫閑情中

喜新有能詩聲何時郭池晚照影寫閑情中

舊本雙井前集絕句中有景文見招會宿州

西郭園詩文選王仲宣詩曰月暮遊西園冀

寫憂思情曲也揚素波列樹數丹
紫陶淵明有閑情賦此借用其字

又

公詩如義色未嫁已傾城漢書李夫人傳李

佳人絕世而獨立一顧嫁作蕩子婦寒機泣

到明倡言其中年之詩多哀傷也選詩曰昔為

送人詩云枕前淚與堦前雨隔箇閑窗滴到

綠琴蛛網通絃絕不成聲傳玄琴賦此引用

名器也玉臺新詠徐悱贈內詩曰網蟲生錦

薦禮記檀弓子夏既除喪而見予之琴彈之

成聲想見鳴夷子江湖萬里情言未逢知己

西子下姑蘇一舸逐鳴夷○史記載范蠡佐

次韻吳宣義三徑懷友

佳眠未知曉屋角聞晴弄王羲之帖云向宅上靜佳眠都不知

足下來門老杜詩紅綢屋花退之送鄭校理詩曰鳥弄正交加楊花共紛紛廣記鄭

郊謂文入於陳蔡路逢一冢有竹兩竿鄭為詩曰冢上兩竿竹風吹常裊裊冢中賁之曰

下有百年人長眠不知曉又古萬事頗忘懷詩春眠不覺曉是處聞啼鳥

猶牽故人夢老杜夢李白詩曰故人入我夢明我長相憶又詩春暝月落夢

牽采蘭秋蓬深汲井短綆凍香草蔽於蓬艾冽井窮於短綆

言薦引之難也老杜詩君不見才士汲引難恐懼奔指忍羈旅又詩露井凍銀末莊子

可以綆短不起看冥飛鴻乃見天宇空鴻飛冥冥

冥弋人何慕焉詩曰昭昭天宇闊甚念故人寒誰省機與綜

史記范睢傳須賈曰范叔一寒如此哉又云以絛袍戀戀有故人之意韻書云絛機縷也

在者天一方日月老實迭文選蘇子卿詩曰良友遠離別各在

天一方書堯典曰寅寅出月寅賤納日註云寅導也餞送也往者不可言

古栢守翁仲水經註曰鄒南千秋亭壇廟之東枕道有兩石翁仲南北相對

又按魏志明帝景初元年鑄銅人二號曰翁仲此引用言塚間石人也

送劉季展從軍鴈門二首鴈門今代州

劉郎才力耐百戰蒼鷹下韝秋未晚東觀漢記曰趙

勤字孟卿太守拓虞署為督郵於是貪令自責還印綬去虞歎曰善吏使良鷹下韝命

中千里荷戈防犬羊十年讀書厭藜苒詩曰荷戈

與及文選劉越石表曰敢肆犬羊李善註引漢名臣奏曰應劭議以為鮮卑隔在漠北犬

羊為羣南史沈攸之曰早知窮達有命試尋
恨不十年讀書退之詩肚腸集慕竟

北產汗血駒莫殺南飛寄書鴈兩句皆用鴈門事三傳曰

翼之北土馬之所生史記秦傳說秦惠王

曰北有代馬索隱云代郡兼有胡馬之利後

漢書王符傳有以貸得鴈門太守者皇甫規

問卿前在郡食鴈美乎老杜詩汝休枉殺南

飛鴻史記漢使謂單于曰天子射上林中得

鴈足有繫帛書○杜詩驊騮作駒已汗血

人生有祿親白頭何能一日無甘饌禮記內則曰由

命士以上父子皆異宮昧爽而朝慈以甘旨

謂有親而不可無甘旨之奉也禮記曰七十

非肉不飽一日無甘饌之句非取此意耶

又

石趺谷中玉子瘦金剛窟前藥草肥寰宇記
仙人山

在代州五雲縣東南石巖上有人坐跡山腹
石上有手跡山下石上有雙腳跡皆向西向立
張天覺清涼傳曰夢游五臺山金剛密按寰
宇記五臺山在代州五臺縣東北內經以爲
清涼山東坡送天覺河東提刑詩曰西登太
行嶺北聖清涼山餘光入巖石神草出茅菅
能令陸指兒虬鬚茁冰顏又詩曰憑君說仙
與埋輪使速寄長松作解朝皆謂此草也
家耕耘成白壁道人黃掘起風靡絳囊璀璨
思盈斗竹畚香甘要百園嘗搜神記曰陽寔伯
旅一日有人飲訖懷中取石子一雙靡音肥韻書
種此可生美玉遂得白壁一雙靡音肥韻書
曰風病也百到官莫道無榮使日日北風鴻

鴈歸

老杜曰發問平安無使來
禮記仲秋之月鴻鴈來

題宛陵張待舉曲肱亭

仲蔚蓬蒿宅宣城詩句中仲蔚平陵人所居

蓬蒿次人淵明詩曰仲蔚愛窮居蓬蒿生蓬蒿齊書謝眺為宣城郡守善詩文選贈荅詩

中多有眺宣城所作宛人人忘巷陋境勝失

途窮論語子曰飯蔬食飲水曲肱而枕之樂

不改其樂夫子曰賢哉回也一簞食一瓢飲

曲肱之意晉書阮籍傳率意獨駕不由徑路

窮能無慟寒薤書萬卷零亂剛直曾言曾中

蔬飯與書相雜新序楚惠王食寒薤而得蛭因吞之偃蹇勲業外嘯歌


山水重後漢書蔡邕傳董卓曰我力能族人

日猶不廢我嘯歌嘯歌晨雞催不起擁被聽

松風

姚嗣宗詩
風春晝眠
南史陶弘景
特愛松風
松風

山谷內集詩註卷第一







5
F